



## გორის მუნიციპალიტეტის

### საკრებულოს

განკარგულება № 129

2023 წლის 14 ივლისი

### ქ. გორი

ქ. გორში, მდინარე ლიახვზე არსებულ საავტომობილო ხიდზე სატვირთო მოძრაობის აკრძალვის, მიმდებარე ტერიტორიაზე სატვირთო ავტომობილებით მოძრაობის მიმართულების განსაზღვრისა და შესაბამისი საგზაო ნიშნების განთავსების შესახებ

ქალაქ გორში, მდინარე ლიახვზე არსებული საავტომობილო ხიდი, შესაბამისი დარგის სპეციალისტების აზრით არის დაზიანებული. აღნიშნული საკითხი შეისწავლა გორის მუნიციპალიტეტის მერიამ საქართველოს შსს-ს საპატრულო პოლიციის დეპარტამენტის შიდა ქართლის მთავარ სამმართველოსთან ერთად და მიზანშეწონილად მიაჩნია, რომ აღნიშნულ ხიდზე დროებით აკრძალოს სატვირთო მოძრაობა, განისაზღვროს მიმდებარე ტერიტორიაზე სატვირთო ავტომობილებით მოძრაობის მიმართულება და განთავსდეს შესაბამისი საგზაო ნიშნები: 3.4. „სატვირთო მოძრაობა აკრძალულია“, 7.15.1 და 7.15.2 „სატვირთო ავტომობილით მოძრაობის მიმართულება“.

ზემოაღნიშნულის გათვალისწინებით, გორის მუნიციპალიტეტის საკრებულო მიზანშეწონილად მიიჩნევს მოძრაობის ორგანიზებისა და უსაფრთხო მოძრაობის უზრუნველყოფის მიზნით, ქ. გორში, მდინარე ლიახვზე არსებულ საავტომობილო ხიდზე დროებით აკრძალოს სატვირთო მოძრაობა, განისაზღვროს მიმდებარე ტერიტორიაზე სატვირთო ავტომობილებით მოძრაობის მიმართულება და განთავსდეს შესაბამისი საგზაო ნიშნები: 3.4. „სატვირთო მოძრაობა აკრძალულია“, 7.15.1 და 7.15.2 „სატვირთო ავტომობილით მოძრაობის მიმართულება“.

საგზაო ნიშნების განთავსების სიტუაციური სქემის პროექტი შეთანხმებულია საქართველოს შსს საპატრულო პოლიციის დეპარტამენტის შიდა ქართლის მთავარ სამმართველოსთან.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ვ“ ქვეპუნქტის და 61-ე მუხლის 1-ლი და მე-2 პუნქტების, „საგზაო მოძრაობის შესახებ“ საქართველოს კანონის მე-7 მუხლის მე-3 პუნქტის საფუძველზე, გორის მუნიციპალიტეტის საკრებულო ადგენს:

1. ქ. გორში, მდინარე ლიახვზე არსებულ საავტომობილო ხიდზე აკრძალოს სატვირთო მოძრაობა, განისაზღვროს მიმდებარე ტერიტორიაზე სატვირთო ავტომობილებით მოძრაობის მიმართულება და თანდართული სიტუაციური სქემების შესაბამისად განთავსდეს შემდეგი საგზაო ნიშნები:

ა) 3.4. „სატვირთო მოძრაობა აკრძალულია“;

ბ) 7.15.1 „სატვირთო ავტომობილით მოძრაობის მიმართულება“;

გ) 7.15.2 „სატვირთო ავტომობილით მოძრაობის მიმართულება“.

2. განკარგულება ძალაში შევიდეს ხელმოწერისთანავე.

3. განკარგულების გასაჩივრება შესაძლებელია დაინტერესებული მხარის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი: ქალაქი გორი, სერგო ჯორბენაძის ქ. №30).

საკრებულოს თავმჯდომარე



დავით რაჭმაძე



66.45.13.17.15.1,2 - სატვირთო ავტომობილით მოძრაობა პირდაპირ და მარჯვნივ.

7.15.2 - სატვირთო ავტომობილით მოძრაობა მარჯვნივ

3.4 -სატვირთო მოძრაობა აკრძალულია

3.4 - სატვირთო მოძრაობა აკრძალულია



7.15.1 - სატვირთო  
ავტომობილის  
მოდრაობა პირდაპირ.

3.4 - სატვირთო  
მოდრაობა აკრძალულია